

زراعت نه ایچون ایله ممدی ؟

ایکنجی نسخه دن مابعد :

عثمانی تاریخچه آز چوق واقف اولانلر بیلر لکه تابدايتدنبرواجدادمزدنیانك الایو سواریلری ایدی . بتون آوروپا و آسیاده کی سفرلرنده احراز ایتدکاری مظفریات عظیمه اوسواریلرک انتظام و کثرتی سایه سنده اولدینی هرکیجه معلومدر . برعثمانی نقدر شہسوار اولسه پندیکی حیوان ایشہ یارامیه جق اولورسه اوسوارینک برایش کورهمیه چکی بدیهیدر حال حاضرده بزم مملکت مزده موجود اولان حیوانلرله اسکی عثمانیلرک بیوک سفرلری کی بر سفر یایمق ممکن اولمديغنی بتون عثمانی ضابطانی تسلیم ایدر . بوندن ایکی اوج عصر اول ممالک عثمانیه ده دنیانك ال کوزل حیوانلری یتشیر و بو سایه ده عثمانی آقجیلری آوروپایی تیره در ایدی . حال حاضرده بیله روم ایلی و یاخود اناتولینک ال عجری کوشلرنده بعض سپاهی اخفادی فقر و ضرورتلری اولدینی حالده بابالرندن کندیلرینه یادکار قلان جنس حیوانلرک کمال اعتنا ایله جنسلرینی ادامه ایتدیردکاری نمونیتله کوردیم . وقائع تاریخیه و مشاهدات حاضرہ ممالک عثمانیه ده حیوانات فرسیه نك ال مکملرینی یتشدرمک قابل اولدینی اثبات ایدیور . بویله اولدینی حالده عییا اسکی باب سرعسکری یکریمی بش سنه دنبرو سوارى حیوانلرینی ایچون ممالک اجنبیه دن مبیاعه ایتدیروب ملتک بو قدر پاره سنی ممالک اجنبیه یه سوق ایله مملکت مزده حیوان یتشدرمک استیقلرک ضررینه ، حیوانات فرسیه نك ال اقراضه سببیت ویردی ؟ خارجدن کتیردکاری سوارى حیوانلری داخلده بولانلردن از هر جهت فنا اولدقلری حالده ایچون مصرانه خارجدن کتورمکه چالشدی ؟ بونک اسباب موجبہ سنی سابق سر عسکر ظفر پیکر پک ایی بیلر .

بالاده ذکر ایتدیکمز وجهله ممالک عثمانیه احوال تاریخیه و اقتصادیه سی لایقيله تحقیق و تدقیق ایدیلنجه زراعتک عدم ترقیسنک ال بیوک سببی فقدان آسایش اولدینی تظاهر ایدیور . بونک ایچون اداره حاضرہ نك ال بیوک ، ال

- استشاره -

مهم و مستعجل وظيفه سی ممالك عثمانیه نك هر طرفنده آسایشك صورت قطعيه و مكمله ده اعاده و ادامهنه صوك درجه اعتنا و غیرت ایلمكدر .

اداره مستبده زماننده روم ایلیده اناطولیده خصوصیه ماكدونیایا ایله اناطولینك ولایات شرقیه سنده هر کون اشقیایا چته لری بیچاره کویلیرك اموالی و حیواناتی غصب ایتمكه اکتفا ایتمیوب حیاتلرینه دخی قصد ایدرلرایدی . حتی آسایشك آز مختل اولان یرلرده بیله کویلیرك چفت حیوانلری سرقت و قصابخانه لره ایصال ایدیلر ، بر کیجه ده آغیلک برندن ایکوز قویون جالنه رق هیچ بر دانه سی بولنه ماز ، کوی مختارلری بعض یرلرده اشقیایا ایله مشترک اولدیغندن بوخرسز چته سنه بعض ضابطه مأمورلری عادتاً نظارت و اجرای حمایت ایتمكه ابدی . حال بویه ایکن زراع فصل چالشیلیردی ؟ بعض آوروپا سرمایه دارانی ممالك عثمانیه ده اراضی خالیه واسعه صاتون آلهرق بیوك مقیاسده زراعت ایتمك استیورلر فقط احوالی یقیندن مشاهده ایندکیرنده یأس ایله مملکتلرینه عودت ایدیلرلرایدی .

امور زراعیه ده فعالیت بشریه نك مساعی عدیدهنك عمره دار اوله بیلمسی ضمننده بر حکومت متمدنه ایچون اهم و ائزم اولان شی انضباط و آسایشك تقرریدر . بوکا موفق اولدیغمز کون مملکتك آتسی تحت تأمیننه آلمش اولدیغنه امین اوله بیلورز .

خصوصیه امور زراعیه ده ترقی و تکمل تجارت و صنعتده اولدیغنی مثللو تجار تکاهلرده و فابریقه لرده کی مساعی ایله حاصل اولیوب بالعکس قیرلرده باغلرده چالیشمقله حصول بولور . ثروت عمومیه نك قسم اعظمی تشکیل ایدن حیوانات اهلیه کیچه کوندوز قیرلرده بولنور ، ظهور ایده جک آز بر انتظامسزلق ، رشورش بولنرك محوینه سیبب ویرر . دیمك اولیورکه مملکتمز بر زراعت مملکتی اولق مناسبتیه هر کسدن زیاده بزم ایچون ائزم و اهم اولان آسایشك اعاده سی ، بونك تقرر و ادامه سیدر . بوقدر سنه دنبری دوامنه چالیشانلر فقدان آسایش حکومت حاضرهنك غیرت و اقدامی سایه سنده مبدل حضور و امنیت اولنجه

طبیعی درک بونکون ترلاستی، باغی ترک؛ سورستی غائب ایتمش اولان ارباب زراعتینه ایشلریله مشغول اوله جقلر و دوچار بولندقلری فقر و ضرورتلری مرور زمان ایله رفاه و سعادتله قلب ایله جکلردر. بونکله برابر ممالک واسعة عثمانیه ده میدانله کلان محصولات ارضیه و زراعییه چارشو و بازارله سوق ایتمک لازمکلیر. بونک ایچون وجودی الزم اولان بوللر ایله وسائط نقلیه مملکتک وسعتیه نسبتاً بزده عادتاً مفقود دینه جک درجده اولدیغندن مصردن ده زنگین اولان عراقدن، ذخیره انباری دینه جک درجده منبت اولان سیواس ولایتدن استفاده ایدیلمیور. اناطولی خطی ممالک عثمانیه نك منبت اولمان اراضیدن مرور ایندیکی حالدله برچوق ذخیره اخراج ایدور تأمینات ایچمه سی دیه هیچ مثابه نده برشی ویریلیور. دیمک اولورکه بوشندوفر دولته عظیم بربار اولمادقدن بشقه جوارنده وسائط نقلیه نك فقدانندن طولانی زرع ایدیلهمیان برچوق اراضی ده زراعت و اوجواردن هیچ ذخیره اخراج ایدیلدیکی حالدله ایوم ایکوزبیک طون ذخیره ممالک اجنبیه یه سوق ایدیلیور بوندن مستبان اولورکه ممالک عثمانیه نك المنبت ولایتلرنده تأمیناتسز دمیرولی امتیازی آله جق شرکت بولمق بک ممکندر. دولتک منافع اساسیه و روحیه نه برضرری اولمادیقی تقدیرده تأمیناتسز دمیرولی انشاسنه تثبث ایدن شرکتره وخصت ویرلمی در.

ممالک عثمانیه ده دمیرولی مسئله لری قدر مهم برشی وارسه اوده قتالیزاسیون مسئله سیدر. ممالک عثمانیه واسعة ده موجود اولان انهار ممکن مرتبه سیروسفائنه صالح برحاله افراغ ایدیلیدر. ایوم مملکتیمز بر زراعت مملکتی اولمق حسیله وشمعدی یه قدر وقوع بولان تحریات وکشفیاتدن استدلال اولندیغنه کوره تحت التراب برچوق معدنلر بولندیقی نظر دقته آتور و نقل ایدیله جک اشیانک قسم اعظمی یوکده آغیر بهاده خفیف نوعدن اوله جفی تسلیم اولنورسه اقتصاد نقطه نظرندن بونلری انهار و قنالر واسطه سیله سوق ایدوب مضارف نقلیه یی تنقیص ایتمک معقول و مناسب اوله جقدن حکومت مشروطه عثمانیه روم ایلی و آناطولیده موجود

انهار عظیمه و متعددہ فی تدربجاً سیرسفائے صالح بر حالہ افراغ ایتمکہ غیرت و بونک
ایچون لازم کلان فداکارانی اختیار ایتمکدن هیچ بروقت چکنما ملیدر .

ادارہ حاضرہ بر طرفدن شمدوفر انشاآتہ و سیرسفائجدولاری تنظیمہ
ہمت ایتمکہ برابر دیگر طرفدن الیوم موجود اولان طرق و معاری صورت مکملہ
تعمیر ایلہ شدت لزومہ مبنی بعض یرلرہ یکی شوسہلر انشا ایتدیر ملی ایسہ
بونلرک تعمیر و انشا سندہ دور استبدادہ اولدینی مثللو استخدام ایدیلان بر طاقم
نا اهل ملتزمک هیچ بر قاعدہ فنیہ تابع اولیہرق وجودہ کتیر دکری کوہری
و یوللرک قبولی ایچون مأمورلر مزک کنیدلرینہ ترتب ایدن وظیفہ مہمہ
بعدا حسن ایفا ایلہ جکاری امید اولتور .

تفصیلات معروضہدن مستبان اولدیغہ نظرأ زراعتک روح اعظمی اولان
اسایش مملکت اعادہ قلندقدن و محصولات مزی خارجہ نقل ایچون ایجاب ایلان وسائط
تقلیہ ترقی و تکمل ایلدکن صوکرہ محتاج تدقیق و اصلاح بر جہت دہا واردرکہ
اودہ بوقدر اذا وجفا و حقسزلقلردن هنوز قورتیلوب سعی وغیرہ سوق ایدیلہ جک
اولان اولاد وطنک خصوصیلہ زراعتک الندہ سرمایہ دنیلان شیٹک حال
حاضرہ کی مفقودیتی در . واقعاً زراعتہ پارہ اقراض ایتمک اوزرہ یکرمی سنہ
اول تأسس ایتمش بر زراعت بانکسی موجوددر . بونک تشکیلندہ کی فکر و نیت
یک کوزل و مصیدر . بونی تسلیم ایتمامک غیر قابلدر . فی الحقیقہ و قتیلہ یاپیلان
حسابلرہ نظرأ اعشاردن بانکہ نامہ تفریق ایدیلان مقدار مختص لہندن بشقہ
یرہ صرف ایدلماش اولسہیدی حال حاضرہ زراعت بانکسی دنیانک ال بیوک
بانقلرندن بری اولوردی ، تحقیقات و مشہوداتمہ نظرأ زراعت بانکلرندہ موجود
اولان نقد بوکونکی احتیاجاتہ نسبتاً هیچ مثابہ سندہدر . و قتیلہ مذکور بانکلرک اداره سندن
مسئول اولانلر وظیفہ اصلیلرینی بیامش و مملکتک حال پرمالانی ازاجق نظر
دقتہ آلمش اولسہ ایدیلر اوقدر وجدانمزجہ حرکت ایتمزلر و بانکلرک سرمایہ سی
اورایہ بورایہ قابلرہرق مآوض لہنک غیری بہ صرفہ دلالت و وساطت ایتمزلر ایدی .

طشمرلرده ترقیات زراعییه از چوق واقف اصحاب اراضی مالکانه لرینی اعمار و اصول جدید و فنییه توقفاً اجرای زراعت نیتده بولندقلری و شو تصورلرینی قوددن فعله چیقاروق ایچون زراعت باقیه لرینه مراجعت ایلدکلری زمان استدکلری مقدارک انجق یوزده بشنک و نهایت اوننک باقیه طرفدن کتدی لرینه یوزده یدی فاضله احسان ایلدیکنی مع التأسف چوق دفعه لر کوردیم. هایدی اصلاحات زراعیه جهتنی ترک ایدم. ذاتاً اصول قدیمه زراعت ایله مشغول ایکن برده آفات سماویه ویا قوراققلدن متضرر اولان بیچاره کویلیلر مزه تخملق ذخیره بیله ویره مدیکنی ویا خود ویرسده غایت جزئی برشی ویردیکنی هرکون کورمکده یز. اوتوز ایکی سنه لاک استبداد مدیران امورک کوزلرینه اوقدر کثیف بر پرده چکش ایدی که بعض غزتلر مزمارت آئنده فلان قضا ویا کویه قیشلق ذخیره تخمی ویا بدلی ویدیکنی مع الافتخار درج ایدورلردی. مثلاً ۱۳۲۳ سنه سنده عمومیت اوزره اناطولیده وروم ایلیده مدید بز قوراققلدن طولای اکین اولمادی. اغستوس ۱۳۲۳ تاریخده اهلینک آتبارنده بولسان ذخیره مقداری حکومتجه البته معلوم وایدول ویا تشرین اولده بونله تخملق ذخیره توزیع اتمک ممکن و لازم ایکن قیش اورته سنده ویا نهایتده قیشلق تخم توزیع ایلدی بو ایسه لازم اولان مقدارک یوزده اونی بیله دکل ایدی.

شعدی برکرده بوندن حصوله کلن نتایج مضره عطف نظر ایدم: اولاً زراع اکین اکه مدی. ثانیاً معیشتی تأمین ایچون اکثریتی نعلسه النده قاله بیلمش اولان چفت حیواناتی الدن چیقاردی. ثالثاً اکه مدیکنسدن برشی بیجه مدی. رابعاً بو بوقمزلقلر طولایسیله خزیننه دولت متضرر اولدی. ذاتاً وجودی اولیان بودجده دهشتلی آچقلر ظهور ایتدی. اشته شو صوک سنهل ظرفنده اداره مستبده اناطولی خلقنه بو قاتلغی ده ایتدی و یقلدی کیتدی. بونلر هر قدر اوزاق بر ماضی ده وقوع بولماش ایسه ده ینه سیأت ماضیه دندر. دور استبدادک بو ملته آچدینی یاره لری قابلق چاره سننک تحریری اداره حاضره مشروطه ک وظائف مقدسه سنندر.

اليوم موجود اولان زراعت بانقه لزمك سرمايه سنك ايمالك عثمانيه ده زراعتك اصلاحنه هيچ بر زمان كافي كليجه كي جمله جه مسلم بولنديغندن حال حاضرده اشد لزوم ايله لازم اولان اشبو سرمايه يي تدارك ايتك وظيفه سي ده حكومت مزه ترتيب ايلمكده در. اداره مشروطه مزايسه بونك چاره سي ايكي صورتله تحري ايد بيلور: يار استقراض ايله زراعت بانقه سندن و قتيله غصب ايديلان پاردرلي اعاده و بانقه معاملاتني بحراي سلمنه اماله ايلر و ياخود دهاسلمي رومان ياده و مصرده اولديني كي «قره دي فونسيه» ناميله بر مؤسسه ماليه زراعيه تشكيل ايتك ايچون يرلي و اولديني نقد يردره اوروپا سرمايه داراننه مراجعت ايدر. مصر و رومان يانك ترقيات زراعيه فوق العاده سي امن و آسايشك تقرر و وسائط ثقليله تكثير و برده اشبو بانقه لرك تاسسي سايه سنده اولديني اشبو ترقياي يقيندن تعقيب ايدنلرجه بر امر مسلعدر. بوندن برقاج سنه اول رومان يا حكومتك و ارداني يوز اللى مليون فرانقندن عبارت اولديني حالده الحاله هذه حكومت مذكور دنك بودجه سي ۳۰۰ مليون فرانقه بالغ اولمقده در.

(مابعدى وار)

خنده و كربه

دور استبداده عائد دعوالردن :

مدعى (مطبوعه عامرده طبع ايديلان «بركوى» رساله سي) — ۴۵ نجى صحيفه مده الفاض كفر بختده مزارقلى علم حالدن چيقارلمقده اولان فقراتك موجود اولمسنه مبنى مذكور صحيفه مك چيقارلمسى «لزوم» نى انجمن تفتيش و معاينه افاده ايلمسى اوزرينه معارف نظارتى ۳۱۸ ايلولنده بو صحيفه مك احراجنى دواژ مركزيزيه و عموم طشره معارف اداره لرينه امر ايتمشدى. قطع عضودن طولاني اوغرا ديف ضرر و زيانك تضميننى طلب ايدرم.

مدعى عليه وكيلى — (۳۱۳ سنه سنده مكتب حقوقده آلايى درسلى تخطر ايدرك) اقدام «جرمك فاعلى قوه عقليه و اداره و تميزه مالك اولمى شرط اولوب بو خاصه دخى انسانه مخصوص اولديغندن آنجق انسان برجرم ايشيله بيلير.» بناء عليه موكلك برائتنى طلب ايلرم.